

福建通志

第陸拾捌冊
列傳

K295.7
1

福建列傳卷二十八

明十二

曹學佺字能始侯官人萬厯乙未會試策問車戰對曰臣南人也不諳車戰請以舟戰論因詳陳舟戰法考官張位奇之初定第一衆謂部郎房中首選久無此例乃改第十授戶部主事既位被逐跟蹤出通州門生故吏莫敢往視者學佺獨追送舟次爲庀糗糧甚悉而臺省以銜位遂遷怒學佺摘丁酉所取卷爲險怪不經中察典調南京添註大理寺正居冗散七年益肆力於學累遷南京戶部郎中四川右參政值建南不靖調兵防守而轉餉於川南過大渡河輒遇瘴斃學佺乃假便宜以運費徑解守道令自買運蜀人得免饋餉之苦歲大饑設廠煮粥繪圖上請得發帑金三百萬以賑蜀人訖爲三百年未有之殊恩也蜀有行坐二稅行稅取商坐稅取民歲饑民流亡坐稅無所出乃以厯年行稅贏羨萬餘金抵本年坐稅民免追比而貪有司皆側目蜀邸燬於火估費至七十萬金學佺援宗藩

條例卻之蜀路險絕學佐嘗驛傳時發兩川各千金并搜括羨餘修道途
輿梁行人德之三十九年進按察使又中察典議調蜀人遮道留有欲叩
閭者幾不得發慰諭之始散學佐歸構石倉園有池館林木之勝且蠟綠
粉黛出入肩隨歌童狎客晨夕滿座自以爲樂一時仕宦及墨客詩人遊
閩者無不傾倒天啟二年起廣西右參議桂林宗室素橫學佐獨執法遇
事屬有司治之又爲反覆開譬宗室肅然全灌興安諸州縣糧艘集東江
親詣驛兌支糧戶旣省入倉費軍且得實惠勒石爲令錢局患侵漁厯二
年僅獲利千餘金學佐立程度清覈年獲利五千私鑄奸徒或緣宗室爲
窟穴不可問學佐嚴捕不少貸其風以息犺獍不通言語有司往往魚肉
之哨軍至日索飯食輪供億因以致變乃嚴爲約束并改營鎮於他所禁
入峒騷擾會平樂大饑罷市奸民及驕軍洶洶起學佐以嚴靜鎮之仍便
宜假餉銀給票買運糧艘四集軍民乃安初梃擊獄興劉廷元輩主瘋顛
學佐著野史紀略直書本末六年秋學佐遷陝西副使未行而廷元附魏

忠賢大幸乃刻學佺私撰國史淆亂是非遂削籍燬所鏤板巡按王政新以嘗薦學佺亦勒閒住時大吏揣學佺必得重禍羈七十日不聽歸欲索瑕譽報厥衛不可得至欲毀所創書院在灘水者宗室士民醵金贖乃已既而探忠賢無意殺之乃得釋還崇禎初起廣西副使力辭不就會海寇熾學佺移書當事請於梅花雙龜屯兵扼要建煙堡編居民自相守又條陳機宜九事略言驅逐妖術勿亂軍心責有司使時閱城堡嚴會哨令首尾聯絡審要害遠近各爲分守又稽効海船不使通賊然後習車戰載石礮伏於險害以防之飭衛所與官兵一體訓練而終以搜求人才俾資緩急皆舉行賊以是遠遁又與董應舉議塞龍腰往來之路毀平臺淫祠創橋城北五十里之潘渡又濬河開湖建洪山萬安桐口三橋鄉人設像於洪山橋立祠祀焉學佺家居嘗謂二氏有藏吾儒何獨無欲修儒藏與鼎立采摭四庫書因類分緝十有餘年功未及竣十七年聞京師陷投池中爲家人救不死踰年唐王至閩學佺進見王曰海內鴻儒也授太常卿時

庶務草創皆學佐與黃道周參決之尋遷禮部侍郎兼侍講學士纂修崇禎實錄進尙書加太子太保又踰年松江夏允彝等起事戶工二部尙書張肯堂請王出關趣浙東而已以舟師由海道抵吳淞招諸軍時所謂水師之議也學佐力贊謂微天之幸在此一舉乃捐餉一萬以速其行且言當乘風疾發會爲鄭芝龍所阻肯堂僅以數舟徘徊島上學佐知時勢不可爲曰天若祚明則實錄可就不然老臣惟一死報國矣其年八月唐王敗於汀州學佐與齊巽朱友桐方議城守九月十七日清兵入城明日學佐沐浴整衣冠縊於西峯里第時七十有四歲檢硯匣內有生前一管筆死後一條繩句所爲詩文甚富總名石倉全集萬厯中閩中文風爲盛自學佐倡之晚年更以殉節著云方崇禎初年裁革驛遞學佐言將來必爲亂階後果驗清乾隆十一年賜諡忠節

紅雨樓集明史明外史嘯月亭筆記

案明史云及事敗走入山投縊而死他書亦有作縊於鼓山者考行狀及徐延壽祭文俱稱卒於西峯里至爲明確臺灣紀事稱清兵至學佐

奔鼓山向佛前問休咎甫下拜見繩一條急取袖之馳回家將書案四
立改爲棺整衣冠自縊死則當時雖至鼓山而仍死於家惟行狀末稱
學佺與鼓山僧永覺善殉節時永覺見學佺緩步入須臾弗見此所由
致歧歟至彭孫貽閩中死事亡臣表作投水死蓋以十七年事誤屬也
林茂槐字穉虛福清人父俊民字思揚歲貢生以文行稱茂槐第萬厯乙
未進士授梧州府推官司權稅梧稅最廣西多羨茂槐一毫不取請改府
廂民屬於邑又招集客戶耕種入籍七年子弟得與試著爲令盜陳翠湖
令其黨冒估客篡取官吏裝累年茂槐計獲之同邑林尙貞姬亡刻玉爲
像每攜以行至梧州爲舟人陳亞三所害沈其屍一夕茂槐冥坐若有婦
人訴冤者旦遣邏卒掩捕果得亞三搜其贓見玉像訝曰此非吾邑林君
物耶其屍安在窮治亞三得歸林屍於閩治最擢南京吏部主事轉北禮
部員外郎歷郎中遷浙江參政東洋大盜施元池出沒閩浙聞茂槐偵其
巢穴勦擒之患始息進分巡南畿寧太道宦家徐氏二子爭產有司不能

決茂槐以大義曉示之赧然自釋卒於官茂槐精字學者訂音義窮極絲毫時焦竑號淵博茂槐有疑字以問竑竑不能答也

俞維宇字憲喬莆田人萬厯乙未進士授戶部主事奉勅督京畿稅耿介自矢積弊一清擢登州知府調濟南訟獄立剖無冤滯者遷山東按察副使厯右叅政捐俸新孟子廟崇擢湖廣左布政時魏忠賢方熾各省鄉試前列欲得魏姓以媚璫楚闈榜發任事者惟恐失魏姓人維宇厲聲曰至公堂上豈容徇私以此忤時拂衣歸闢古意亭日與諸名流觴詠爲樂忠賢敗擬擢巡撫都御史會丁母憂服未終而卒

莆田縣志

林欲棟字仕隆晉江人第萬厯乙未進士除戶部主事權許墅關時朝議令諸關各加額一萬欲棟請罷之值河決河臣侵借餉金百餘萬兩欲棟按其事籍其數以聞且疏兩河困苦狀求罷礦稅有旨切責河臣厯郎中公主婚期大內索珠寶尙書欲括以進欲棟力爭忤其意遂假歸尋擢四川參政川中多盜一獄具株連百餘人欲棟治其罪當者餘悉免全活無

算泉遷江西左布政官終南京光祿卿乞休歸

蔡復一字敬夫同安人用明子也年十二作范蠡傳萬餘言萬歷乙未成進士除刑部主事疏劾石星殺平民冒功狀呈坐死中外憚之厯郎中每陳邊防事宜尙書必採以入告前後疏凡十餘上會楊應龍俘獻廷議盡辟其黨復一謝奏應龍婿宋承恩絕婚於前擒獲於後尙緣未娶之女株連何以勸効順楊通漢者其父可誅其身尙幼怒已死之親而移辟亦無以懲從逆承恩宜放通漢宜奴人服其法外之仁居郎署十七年始遷湖廣參政清積逋覈虛冒革加派嚴保甲杜參謁大雨江漲隄決極力賑卹之兼署辰沅諸郡兵乏餉而譁復一諭之兵素服其威信乃戢無何鎮寧諸營復沸參將請調苗兵千人制之復一曰豈有借苗兵殺民兵之理徐按首禍七人置之法鴟張自定進按察使大小五冲苦苗患復一築邊牆七十餘里又黑苗屯鎮遠偏橋閉官道爲梗出牛酒令民兵誓相應援道始通方遷右布政使引疾歸光宗立起故官治兵易州遷山西左布政使

將以病告聞河西破歎曰此豈臣子養高日哉力疾之官時邊稍亟民加
派弗堪請蠲增餉抵京運格不行天啟二年以右副都御史撫治鄖陽歲
大旱布衣素冠自繫於獄遂大雨鄖陽賦萬金加額至四萬餘復有舊逋
七萬餘特疏請免奢崇明安邦彥反貴州巡撫王三善敗沒進復一兵部
右侍郎代之兵燹之餘斗米值一金復勞來拊循人心始定尋代楊述中
總督貴州雲南湖廣軍務兼撫貴州賜尙方劔便宜從事復一乃召集將
吏申嚴紀律賊圍普定遣參將尹伸副使楊世賞卻之搗其巢斬首千二
百級發兵通盤江路斬逆酋沙國珍總兵魯欽黃鉞等復破賊於汪家冲
將義寨長驅織金織金者邦彥巢也緣道皆重關疊隘木石塞山徑將士
用巨斧開之或攀藤穿竇而入賊戰敗遁深箐斬首千級而邦彥遁去是
役也焚賊巢數十里獲牛馬甲仗無算五年正月欽等旋師渡河賊從後
襲擊諸營盡潰死者數千人時復一爲總督而朱燮元亦以兵部尙書督
四川湖廣陝西諸軍復一節制不能行境外事權不一故敗巡按御史傅

宗憲以爲言廷議移變元督河道令復一專督五路師御史楊維垣獨言
變元不可易帝從之解復一任聽勘而以王城爲右僉都御史代撫貴州
復一候代猶拮据兵事與宗龍計勦破烏栗螺蝦長田及兩江十五砦叛
苗賊黨安效良助邦彥陷霑益雲南巡撫沈儼劾遣兵討之未定遷侍郎
去代者閔洪學招撫之亦未定及是約邦彥犯曲靖尋旬復一遣許成名
往援又遣劉超等討平越苗阿秋等破百七十砦斬級二千三百有奇十
月復一卒於平越軍中計聞帝嘉其忠勤贈兵部尚書謚清憲任一子官
復一負大志在易州時貽其友何喬遠書曰宮事則客魏同惡朝事則牛
李構黨疆事則經撫不和此予之三憂也淮南憚汲黯江左有夷吾將誰
望之後皆如其言

閩書明史明外史

曾熙丙字用晦侯官人萬厯丁酉舉人惠安教諭遷知新會縣強幹有智
慮有羣盜聚黨方謀行劫熙丙先調知遣役遽入其舍禽之自是盜賊屏
跡擢南京御史天啟初上疏陳十事其言肅紀綱養廉恥清銓政定人品

諸邊材尤懇摯又力疏鄒元標董應舉輩當大用時奄人擅權毒流遠邇
熙丙守正不阿奸人側目然莫能加害所上前後疏皆留中歎曰時事不
可爲矣遂以母老乞終養屢薦不起崇禎甲申流寇陷京師熙丙聞報哭
不食者累日月餘卒新會士民立祠祀之

道光舊志

董應舉字崇相閩縣人萬厯戊戌進士除廣州府教授稅瑄李鳳欲得學
宮閒地應舉斥之鳳舍人馳過文廟前不下遣人繫其馬用是有名遷南
京國子博士再遷吏部主事召爲北文選主事厯考功郎中薦高攀龍鄭
三俊劉宗周皆召用告歸起南大理寺丞四十六年閏四月日中黑子相
闕五月朔有黑眚掩日時遼東撫順已失應舉言日生黑眚乃強敵侵凌
之徵宜勤政修備以消禍變因條上方略帝置不省天啟改元再遷太常
少卿督四夷館二年春廣寧告警京師洶懼朝士有託故移家者應舉請
斬之以勵廷臣因陳急務數事極言天下兵耗民離疆宇日蹙由主威不
立國法不行所致帝以爲可任令專任較射演武應舉因上屯田議言保

衛神京在設險營屯昔李泌營關中韓重華營代北曹操許下諸葛亮五丈原皆在兵戈擾攘時特舉屯政今宜急圖庶兵食不匱并疏請安插流民於是擢太僕卿兼河南道御史專領屯務疏陳十難十利帝悉敕所司從之乃分處還人萬三千餘戶於順天永平河間保定詔書褒美遂用公帑六千買民田十二萬畝合開田凡十八萬畝廣募耕者畀工廩田器牛種濟渠築防教之藝稻農舍倉廩場圃舟車舉具費二萬六千而所收黍穀五萬五千餘石論功就進右副都御史天津葛沽故有水陸兵二千應舉奏令屯田以所入充歲餉屯利益興五年六月朝議以屯務既成當廣鼓鑄乃改應舉工部右侍郎專領錢務開局荊州尋議給兩淮鹽課爲鑄本命兼戶部侍郎理鹽政應舉至揚州疏請釐正鹽規議商人補行積引增輸銀視正引之半爲部議所格應舉方奏析而巡鹽御史陸世科惡其侵官劾之魏忠賢傳旨詰讓御史徐揚先遂希旨再劾落職閒住既歸居武夷八曲之涵翠洞與生徒講學老而不倦卒年八十三崇禎初復官應

舉好學善文在官慷慨敢任事居家建築附海城堡又疏水利修學校置社倉義田議官羅嚴禁認澳課皆有德於鄉海濱人祠祀之有崇相集明史陳國是字定達閩侯人萬厯庚子舉人由同安教諭遷國子監丞時祭酒欲以監生越次國是爭之乃止出爲蘇州同知會魏忠賢擅柄遂致仕歸編內監輯略一書時嫺瑯者風各省立生祠鄉耆紳集議未決國是獨以從容二字諷止之故各省皆有魏祠而閩獨無蓋得其一言之力云陳一元字泰始侯官人父志字希尹以歲貢生授將樂訓導卻資金勤教化少嘗館副使張庸署署安妖志不爲動妖避去一元萬厯辛丑進士知四會縣構仕學軒以清慎勤自矢善訓士文教一新請學使廣諸生額建橋修堤輕徭革耗上官嘉其績調南海遇水災巡行振卹不遺餘力歲額貢官布多積逋奉詔新舊並徵民情囂然一元多方償補事遂定再調嘉定擢御史巡按江西值歲祲留稅發賑檄所司告羅吳楚全活無算給事中劉文炳劾兩淮巡鹽御史徐搢芳因言御史劉策入葉向高幕干票擬

一元向高姻親操權利初一元論銓政管議切向高見文炳疏憤甚遂揭
文炳陰事且曰向高行矣今秉政者方從哲文炳鄉人奴顏婢膝任彼好
爲之帝不省一元卽移疾去天啟初起尙寶司少卿歷應天府丞署府尹
事值荒歉兵民枵腹將亂一元權宜發粟以賑旣而御史余文播劾向高
復及一元遂落職崇禎初復官溫體仁柄國惡其附東林而以爲己門生
也引嫌不召卒於家自一元曾祖諱以下五世同居孫亨字蓮石崇禎庚
辰進士年二十出爲松江知府福王時與廣西巡撫方震孺給事中李維
懋僉都御史李光泰先後措餉募兵入衛陞蘇松常鎮督糧副使南京亡
退居福州西關外柳橋矮屋一椽棲止終身

陳許謨字以弼長樂人萬曆辛丑進士授刑部主事楚諸生有以忤璫使
陷大辟者許謨力脫之改戶部權許開通旁港罷小艇稅輿誦大起出知
南昌府改蘇州豪猾逞淫沈貞婦於江而又陷其夫以盜獄成許謨鞠雪
之購得貞婦尸抵豪於法無賴少年僞稱徹侯胄子擁傳行所至供張許

謨縛置之法衆稱神明郡人侯峒曾顧宗孟顧燕貽曹奎皆其所甄拔官
終廣西按察司副使孫達字克亨早歲補諸生同學有陳聖泰程坤者負
時名爲人所中提學將治之達白其事得免由此知名唐王時以恩貢生
授鴻臚寺主簿遷錦衣衛經歷魯王入闕起職方郎中擢鴻臚卿時鄭彩
專政達獨不阿魯王敗達遁居海島以卒

以上道光舊志

黃起龍字應興莆田人萬厯戊戌進士授行人三奉使遷南京吏科給事
中時東宮久罷講福藩未就國朝臣多莫敢言起龍受事卽上疏詞甚激
切中外避之有黃緣中貴出入織造局爲奸利者起龍按其罪所策邊事
皆有先見又請復建文年號謚靖難仗節諸臣及爲鄉先正黃鞏馬思聰
請謚上君德國典經濟災異修省弭邪諸疏俱不報遂乞休後起廣東按
察副使卒於道

閩書莆田縣志

黃國鼎字敦柱晉江人萬厯戊戌進士選庶吉士授編修奉冊封楚藩餽
道所受典試浙江稱得人擢中允進諭德兼侍講與李廷機同邑相善

廷機在政府不數往及被言屏居求去一時門下士望風避匿國鼎時時
慰見曰吾以李先生獲罪吾色不忤也言者因波及國鼎遂抗章引疾去
家居久之起右庶子兼侍讀疏辭不赴未幾卒方國鼎在朝同邑陳用賓
巡撫雲南會土舍阿克陷武定索郡印去言者皆罪用賓時黃克纘巡撫
山東謂用賓有討賊功足相抵移書京師白其枉鄉人無助者國鼎獨誦
克纘言爲是又時往繫所視用賓福山知縣章國賢尋甸知府蔡如川先
後以忤稅使下詔獄國鼎爲具稟館營救甚至兵部尙書張經爲趙文華
請死其子訟冤闕下國鼎爲白於公卿間得卹錄俞大猷戰功久被抑國
鼎爲言於朝御史張某按雲南稅璫誣奏之國鼎上書政府爲救免其好
義類此沈一貫爲國鼎師每謁見多婉規與葉向高善會閣中稍有異同
必持之然皆不令人知里居值饑疫首出錢穀濟貧病者富家聞而效之
所全活甚多紅毛謀互市內地稅璫高宗受賄爲代請國鼎馳書巡撫驅
逐之其學務克己嘗言處世不可有德色想善使人知終非善不可有勢

伊想忍不能忍忍乃大不可有窮奇想以不盡還天地天地乃同流論者謂其有太邱之廣而無其難周有林宗之高而兼其品鑑云

林恭章字爾肅莆田人倭破城之夕母匿柩下舉恭章幼孤讀書刻勵誓以清修報母萬厯戊戌成進士授海寧知縣邑紳方據要地欲以夙憾杖一人恭章執不許爲所阨調陽江邑舊有羨耗稅恭章盡以修驛舍街亭嚴繩猾吏而折獄多仁恕有村媪訟其子狀甚逆恭章攜之入署跪白其母母命設飲食恭章盛衣冠侍母側頃之媪與子皆泣且悟叩頭謝罪乃諭遣之未幾以母憂去服闋補新淦聽民自納賦禁羨餘貧民有鬻妻納稅者免之或勸之營產業恭章曰吾少而孤賴母氏以有今日今祿養已足敢朘民膏以肥子孫乎衆擢工部員外郎筦街道事京師街道官最雄劇五城兵馬司隸焉恭章泣以備靜莫敢干以私擢吉安知府時鄒元標在告恭章與爲道義交元標每以朋行君子目之陞廣西按察副使分守雷廉郡爲交趾通貢出入恭章榜於門曰受交趾一物不得生還尋遷湖